

Hemmige - Mani Matter

4/4

1. Strophe

 Am (Em)	 Dm (Am)	
S'git Lüt, die würden alletwäge nie		
 G7 (D7)	 C (G)	
es Lied vorsinge, so win ig jitz hie		
 C (G)	 E7 (H7)	
eis singen um kei Prys, nei bhüetis nei		
 Am (Em)	 E7 (H7)	
wil si Hemmige hei		

2. Strophe

si wäre vilicht gärn im Grund gno fräch
und dänke, das syg ires grosse Päch
und s'laschtet uf ne win e schwäre Stei
dass si Hemmige hei

3. Strophe

I weis, das macht eim heiss, verschlat eim d'Stimm
doch dünkt's eim mängisch o s'syg nüt so schlimm
s'isch glych es Glück, o we mirs gar nid wei
das mir Hemmige hei

4. Strophe

Was unterscheidet d'Mönsche vom Schimpans
s'isch nid die glatti Hut, dr fählend Schwanz*
nid dass mir schlächter d'Böim ufchöme, nei
dass mir Hemmige hei

5. Strophe

Me stell sech d'Manne vor, wens anders wär
und s'chäm es hübsches Meiteli derhär
jitz luege mir doch höchstens chly uf d'bei
wil mir Hemmige hei

6. Strophe

Und we me gseht, was hütt dr Mönschheit droht
so gseht me würtlech schwarz, nid nume rot
und was me no cha hoffen isch alei

 Am (Em)	E7 (H7)	 Am (Em)	
dass si Hemmige hei			